

1629_781.jpg

Le Mercure François. 781


huiet iours apres l'insinuation de ceste, ils apportent chacun respectiuelement ausdits Commis icy à Boissleduc, ou à ceux qui seront à ce deputez, vn estat pertinent de tous les biens & reuenus de chacune desdites Eglises, sans y manquer. Car tel est l'expresse volonté & commandement desdits Estats. Faict à Boissleduc de 20. d'Octobre 1629. Sous estoit escrit, Par Ordonnance desdits Commis. Signé, C. de Ionghe. VERTE.

Le 19. Nouembre en suite ils contraignirent par vne autre Ordonnance les Religieux de mettre entre leurs mains l'estat des biens qu'ils possedoient, & tous titres & enseignemens de leursdits biens : avec deffences de l'exercice de la Religion Catholique. Voicy leur placart & Ordonnance.

Le Conseil d'Etat des Prouinces vnies du pays Bas, ordonne par ceste à tous Superieurs des Cloistres, Conuents, & autres lieux Religieux, d'hommes ou de femmes, de quelque Ordre qu'ils soient, & comme ils puissent estre nommez, situez en la Mairie de Boissleduc, d'apporter dans huiet iours apres l'insinuation de ceste, en la ville de Boissleduc, es mains du Receueur des biens Ecclesiastiques, audit lieu estably, tous Seaux, lettres, papiers & enseignemens, ensemble les registres & liures, qu'ils ont des biens appartenans à leursdits Conuents, sans en taire, ou retenir aucuns, & sans rien vendre directement ou indirectement, en tout ou partie

*Comme
aussi tous les
Religieux.*

1629_094.jpg



M. DC. XXIX.

94

nous a quitté, ramenez son siecle d'or, & le
retablirez en son throsne pour regner paifi-
blement & glorieusement aupres d'elle avec
vostre posterité dans celuy de vostre grand
ayeul saint Louys.

Sont les vœux & prieres que font à longues
& heureuses annees, le tres-humble service
que rendent, & la fidelité que iurent aux pieds
de vostre Majesté vos tres-humbles & tres-
obeyssans sujets vos Officiers de vostre Bail-
liage & Chancellerie du Chalonnois.

Après cela, sa Majesté commandant que le
Carrossier marchât le petit pas, aperceut en-
viron deux cens pas apres en la prairie, qui est
à la veüe de la ville, l'Esquadron des enfans
d'icelle en fort bel ordre, bien couverts &
& bien armez.

Deux mille
Bourgeois ar-
mez paroif-
sent en un
Escadron de-
vant le Roy.


Vn gros bataillon d'environ deux mil Bour-
geois commençans à paroistre en tres-bel or-
dre aussi & bien couverts. & armez, que sa
Majesté monstra auoir à plaisir de voir: puis
les Canons de la ville & de la Citadelle ayans
tonné les vns apres les autres, d'un si bel ordre,
que les plus petites pieces commençans à tirer
les moyennes suiuirent de rang en rang; puis
les plus grosses acheuerent.

Son entree à
Cheual.


Sa Majesté en fin se voyant environ à deux
cens pas de la ville, demanda son cheual, mon-
ta dessus, & pas à pas s'achemina à la porte
d'icelle, nommee la porte de Beaune, où sous
l'Arc triomphant qui y estoit posé, les quatre
Escheuins luy presenterent vn poisse de velours

Le 1
bien, tout se
sic, sous leq
paroles du fi
de saint Pie
rouilles & or
à l'adite por
Chappes. A
dans la ville
marchant d
Noblesses,
cez deuant
loient les
des Gardes
noient le p
tre dans la
George bi
quelle se tr
du Chaste
Capitaine
sous de dix
propreme
selon leur
paroles du
sa Majesté
Lors q
qui va tou
du Portail
pillee aussi
l'Eglise le
Neufchêl
Pontificau
& Chano

1629_782.jpg



1629_095.jpg



1629_783.jpg

Le Mercure François. 783

seurs eschaffaux dressez pour des concerts de
Musique, Comediens, & Balladins.

Ce mesme iour le Prince de Guastale Am- *Le Prince de*
bassadeur extraordinaire de l'Empereur, qui *Guastale*
estoit arriué à Madrid le 3. de ce mesme mois, *fait Grand*
afin de presser le voyage de la Roine de Hon- *d'Espagne.*
grie, (pour l'accomplissement du mariage en-
tr'elle & le fils de l'Empereur) fut fait Grand
d'Espagne. (On a escrit que ce fut en vertu de
la demission que son Pere a fait en sa faueur de
la Principauté de Malfaite, qui est au Royaume
de Naples.)

Or pour mieux temoigner la ioye que sa
Majesté Catholique receuoit d'un tel bon-
heur, elle donna la Clef doree à huit Grands
d'Espagne, sçavoir, au Connestable de Castil-
le, au Marquis de Sainte-Croix, au Comte de
Niebla, au Comte de Riadauia, au Comte de *Seigneurs*
Lemos, à D. Anthoine de Gusman, au Comte *auxquels*
de Buquoy, & au Comte d'Aiguemont. Les *l'Espagne*
Resiouvances furent grandes, spécialement *donna la*
aux combats des Taureaux. *Clef doree.*


Le Dimanche 4. Novembre les ceremonies
du Baptisme se firent à Madrid, en l'Eglise
Parochiale de S. Iean. L'Infant D. Carlos, & la
Roine de Hongrie furent les Parins. L'action
fut fort magnifique: Voicy ce que les Espa-
gnols en ont escrit.

Pour conduire le Prince d'Espagne à l'Eglise *Baptême du*
l'on fit vneallee ou gallerie de bois, depuis le *Prince d'Es-*
Palais iusques à ladite Eglise de cette façon. *pagne, & les*
Elle sortoit par le Balcon principal, où leurs *ceremonies*
qu'y furent
observées.


E E E E

Tome 15.

1629_096.jpg



1629_784.jpg



784


M. DC. XXIX.

Majestez se mettent pour voir les Festes & ceremonies: l'on y descendoit par trente-six degrez separez de neuf en neuf, avec leurs appuis. Ces degrez estoient peints avec tel art & couleur qu'un chacun les iugeoit estre de pierre. Au haut du Balcon y auoit vn Daiz de drap d'or fort riche avec vn grand Escusson des armes Royales: à costé desdits degrez & galerie estoient des appuis, garde-fous, & parapets peints de blanc & incarnat, & par le haut d'iceux en certaines distances y auoit les Escussions des armes des Prouinces, sçauoir à la main droite Castille, & à la gauche Aragon, & ensuite les autres Royaumes, Prouinces & Citez, iusques aux Indes. Toute cette galerie estoit couverte de tapis de Turquie de diuerses couleurs, lesquels à la veüe paroïssent comme vn fort beau iardin emaille par carreaux de diuerses fleurs.

À la porte de l'Eglise S. Iean y auoit vn riche Daiz, & des tapisseries de soye rehaussées d'or & d'argent: au costé gauche estoit vn grand escusson des armes Royales, au bas desquels estoient ces mots: *Ingrederet maxime Princeps: tibi mater Ecclesia legem præbet egregiam.*

Sur les trois heures apres midy descendirent par le Balcon quatre valets de Chambre du Roy, reuestus de leurs capes ou capots, qui porterent en l'Eglise S. Iean deux fort grands bassins d'argët, où estoient les linges, couverts de taffetas rouge cramoisi avec franges d'or; peu de temps apres sortirent de ladite Eglise

1629_097.jpg



1629_785.jpg


Le Mercure François. 785

douze Chapelains du Roy, avec quelques Religieux, qui allerent au Palais; d'où incontinent ils retournerent, accompagnans le Cardinal Zapata, & le Patriarche des Indes, qui se vestit en Cardinal pour faire l'Office de Curé, comme il estoit de besoin en telles occasions.

A trois heures & demie plusieurs Cavaliers sortirent par les mesmes endroits, & apres eux les Conseils d'Espagne & d'Italie, l'Inquisition des Indes; tous avec leurs Presidens. Derriere eux marchoiert celuy d'Aragon, avec l'Euesque President, Dom Iean Pueyo Protonotaire, & Iean Laurens Billanueva. Suivoient quatre grands Presidens de Cour, le Cardinal President de Castille & son Conseil Royal; Vne autre troupe de Cavaliers vestus de diuerses couleurs, sans broderie; mais parez de grosses chaisnes d'or, enseignes & cordons de diamas, en telle quantité qu'il sembloit que ce fust vn Ciel d'Estoilles, & leur esclat faisoit mal à la veuë de ceux qui les regardoient fixement. Quatre Massiers avec leurs masses d'argent doré: Quatre Herauts avec leurs cottes d'armes: Les Maistres d'Hostel de sa Majesté avec leurs enseignes en la main, & entr'eux le Duc de Linfantoportant vn grand bassin & vne tauoyole; le Duc de Magueda avec vne esguierre à la main; le fils du Duc d'Alue Connestable de Nauarre, le cierge; le Duc de Seza le Massépain qui estoit fort grand, & vne couronne au milieu: Le Connestable de Castille, la Saliere; L'Ambassadeur d'Allemagne (celuy qui auoit

E E E E ij

1629_098.jpg



98 *M. DC. XXIX.*
 son ancienne splendeur, & sa pleniére gloire
 qui releuera le nom de vostre Majesté en toute
 éternité & benedictions.

De là le Roy s'achemina au chœur de l'Eglise,
 où deuant le grand Autel il ouyt chanter en fort
 bonne musique par les Prestres habituez de la-
 dite Eglise le chant d'allegresse, commençant
Te Deum laudamus, tout estant remply de peu-
 ple qui pleuroit de ioye de voir à son souhait son
 iuste & grand Roy. Par apres sa Majesté s'ache-
 mina au logis Episcopal qui luy auoit esté pre-
 paré; Le sieur Virey Maire de la ville ayant tou-
 iours esté proche de sa Maieité, laquelle l'ayant
 recognu d'abord, pour l'auoir veu long temps
 prez de Monseigneur le Prince, & ouy parler
 quelquefois de la part d'iceluy tant à sa Maieité
 mesme qu'à la Roynes sa mere, luy fit quelques
 questions sur sa retraite de la Cour: Ausquelles
 ledit Verey fit responses conuenables. Et sa Ma-
 jesté luy disant qu'elle auoit veu vne maison bien
 bastie, qu'on luy auoit dit estre de luy, il repartit
 que sa Maieité & ledit sieur Prince en auoient
 payé les maisons, par leurs bienfaits, ayant
 l'honneur d'estre du nombre des Secretaires de
 sa Maieité & dudit sieur Prince. Puis le lende-
 main iour de Dimanche & de la feste de la
 Chandeleur sa Maieité retournant de la Messe,
 s'estant arrestée en la salle où elle deuoit disner,
 ledit Maire accompagné des Escheuins & d'au-
 tres Bourgeois à genoux luy presenta le Don de
 la ville, & dit: *SIRE*, voicy vn petit monument
 & memoire del'affection & de l'amour qu'ont

*Ce que le
 Roy dit au
 sieur Virey
 Maire de la
 ville.*

*Propos du
 Maire tenus
 au Roy luy*

Image issue du site mercurefrancois.ehess.fr - Cliché (c) Cécile Soudan